

TRISULFON[®] prašak
kemoterapeutik
za upotrebu u veterinarstvu

Sastav

100 g praška sadržava 4,31 g natrijum sulfamonometoksina i 2,0 g trimetoprima.

Djelovanje

Trisulfon je kombinirano kemoterapijsko sredstvo potenciranog baktericidnog djelovanja protiv gram-pozitivnih i gram-negativnih bakterija i nekih protozoa, naročito kokcidija.

Kombiniranjem sulfamonometoksina i trimetoprima dolazi do potenciranja njihovog djelovanja, jer djeluju na dva različita mjesta na putu sinteze DNK i RNK preko folne kiseline. U ovoj kombinaciji trimetoprim je oko 10 puta, a sulfamonometoksin oko 100 puta efikasniji, tako da ovaj drugi (inače bakteriostatik) postaje baktericid, a i toksičnost im se smanjuje.

Indikacije

Terapija svih bolesti životinja koje uzrokuju mikroorganizmi osjetljivi na trimetoprim i sulfamonometoksin: bolesti respiratornog, gastrointestinalnog i urogenitalnog trakta, sekundarne infekcije, specifične zarazne bolesti domaćih životinja.

- *Telad, jarad, janjad, kod kojih još nije razvijena funkcija predželudaca:* dijareje, koliseptikemija, streptokokni poliartritis, salmoneloze, pastereloza, pneumonije, stafilokokni apscesi, omfalitisi i dr.
- *Svinje:* kolibaciloza, kokcidioza, atrofični rinitis, salmoneloze, hemofilus infekcije, pastereloza i dr.
- *Perad osim nesilica konzumnih jaja:* kokcidioza, koliseptikemija, pastereloza, stafilokokoza, infekcijska korica i dr.
- *Kunići:* kokcidioza, pastereloza, stafilokokoza, kolibaciloza, salmoneloza i dr.

Kontraindikacije

Oštećenje bubrega, jetre i hematopoetskih organa; preosjetljivost na sulfonamide. Lijek se ne daje nesilicama konzumnih jaja i odraslim preživarima sa razvijenom funkcijom predželudaca.

Nuspojave

Nisu primijećene.

Doziranje i način primjene

Preparat se daje jedanput dnevno, 5 dana uzastopno, u vodi za piće ili u hrani.

Za sve vrste domaćih životinja 10 dnevna terapijska doza je 10 g Trisulfona na 40 kg tjelesne mase.

Perad: Za liječenje kokcidioze daje se 800 g Trisulfona na 100 l vode za piće tokom 3-5 dana. Za liječenje ostalih bolesti peradi daje se 200 g Trisulfona na 100 litara vode za piće.

Kunići: 8 g Trisulfona na 1 litru vode za piće.

Karencija

Meso i organi:

Telad, svinje i perad: 10 dana.

Jarad, janjad: 12 dana.

Kunići: 28 dana.

Nije odobrena primjena na nesilicama čija se jaja koriste za hranu.

Nije odobrena upotreba kod životinja čije se mlijeko upotrebljava u ishrani ljudi.

Napomena

Za vrijeme liječenja životinje moraju imati uvijek dovoljno vode za piće.

Nakon završenog tretmana peradi je korisno u vodu dodati multivitaminske pripravke.

Lijek se ne smije davati istovremeno s β -laktamima, tilozinom, eritromicinom i drugim sulfonamidima, kao i s nekim drugim ljekovitim supstancijama kao što su: fenilbutazon, salicilati, indometacin, te lokalni anestetici (prokain, tetrakain i prokainamid), jer jedni drugim smanjuju učinkovitost i/ili povećavaju toksičnost.

Način neškodljivog uklanjanja otpada

Ostatak lijeka i ambalaža se ne smije nekontrolisano odlagati.

S neiskorištenim lijekom i praznom ambalažom postupa se u skladu sa važećim propisima (Sl. novine FBiH 33/03-Zakon o upravljanju otpadom).

Način izdavanja

Na recept.

Način čuvanja

Lijek mora biti zaštićen od vlage i svjetlosti. Čuvati na temperaturi do 25°C, izvan dohvata djece.

Rok upotrebe

Označen je na pakovanju (3 godine).

Broj i datum rješenja

UP-I-06-2-24/17-8/18 J.B; od 03. septembra 2018. godine.

Pakovanje

Plastične kutije od 100 g praška, vrećice od 100 g i 1 kg praška

Proizvođač

KRKA, tovarna zdravil, d.d., Novo mesto
Šmarješka cesta 6
8501 Novo mesto
Slovenija

Zastupnik

KRKA FARMA d.o.o.
Džemala Bijedića 125 A
71 000 Sarajevo